

3
mis que on le despise. et de ce chiet en tristesse.
qui est li quars uices. Et tant le sormonte
cette tristesse. que quanques on li dist qñq̃s
on li fait. quanques il oit quanques il uoit
tout li annuier. et ensi chiet il en langour. et
en auuide uivre. si quil meismes se haste et
desire sa mort. et cest li quins uices. **S**aps touz
ces tolerous poins de accide. li donc le diable
le coup mortel e le met en desesperance por ce
il porchace sa mort e socist. ome desesperer. et
sabanzone a toutes mauuaistes faire. et ne
doute a faire pechie quel quil soit. a tele fin
maine accide lome. ce sont xviii. poins que li
diabes iete sor les accidions. n'est pas merueille
sil pert le gieu.

Li quint chief de la beste deuant dite
est li pechie d'auarice e de conoitise qui
est racine de tous maus sicome dit saint
pol. cest la mestresse qui a si grant escole que
touz i entrent por estudier sicome dit lescripte.
Car toutes maneres de genz sestudient en
auarice e grantz et petiz. princes. prelatz. dery
e lais. e religieux. **A**uarice est amor desorde
nee. Cil desordeneiens se moustre en. iiij. ma

meres. generalement en aquesier ardaument. en
retenir restraignu mēt en trespandre escharfent.
ces sont les .iiij. branches principaus qui de ceste
racine naissent. Mais especialement & pprement
de la racine d'auarice issent mout de ramifiars
qui sont mout grant pechie mortel. **L**i pre
miers est usure. **L**i secons l'arrecin. **L**i tiers
rapine. **L**i quars chalenge. **L**i quins sacrile
ge. **L**i .viij. simonie. **L**i .viij. malignites. **L**i
viii. est en marchandise. **L**i noefmes est mal
uais mestiers. **L**i .x. en mauuais gens. Et
chascuns de ces ramifiars se deuise en mout de
manieres. Dont li premiers ramifiar qui est u
süre se deuise en .viij. getons. Car il sont .viij. use
rier prestant qui prestent deniers por autres.
e par desus le chatei prennēt les montes ou en
deniers. ou en cheuaus. ou en ble. ou en vin.
ou en fruis de terre que il prendēt en gage mort.
sanz conter les fruis en paiement. Et que pis
est. il vuelent conter .ij. fois ou .iiij. lan p faire
monter les usures. & vuelent encore auoir bon
tes par desus por chascun terme. & font sonēt
del usure principal terre. Cil sont usurier cēl
e iulain. Mais il i a uns autres prestours cor

tois qui prestant sanz marche faisant toutes
noies en attendant ou en deniers. ou en cheuals.
ou en coupes. ou d'argent. ou robes. ou tonels
de uin. porciaus gras. seruis. ceruees de cheuals.
de charettes. ou prouentes a eus ou a loz fiz. ou
en autres choses. e par tout a usure quant on
le prent par la raison du prest. Cest la pmiere
dusure. qui est en prester mauuaisement. **L**a
seconde maniere dusure est en ceus qui ne pres
tent mie en loz persone. mais ce que loz peres
e les peres loz fames ou loz ancessour ont aq
par usure il le retiennent i nel voelent mie ren
dre. **L**a tierce maniere dusure est en ceus qui
ne daignent mie prester de loz mains. mais il
font prester loz sergans. ou autres gens de loz de
niers. Cil sont li maistre usurier. de tel pechie
ne sont mie li hant home quite. qui tiennent &
soustiennent les iuis & les caorsins qui prestet
e destruent le pais. e il emprennent les loiers
e les grans tons. e ala fois les raencons qui
sont du chatel as pures. **L**a quarte manie
re est en ceus qui prestant des deniers d'autru.
ou empruntent a petit coust por prester a plus
grans cols. Cil sont usurier petit. qui aprennet

tel ord mestier. La quinte maniere est en marthean
dise quant on uent la chose quele kele soit plus q
ele ne uaut por le terme. e que pis est li termors
delloiaus quant il uoit les gens plus a meschies.
lor uoudra il uendre plus chier. ij. tant ou. iij. tāt
que la chose ne uaut. ceus genz font trop de mal.
Car por leur termoremens il destruient et apourent
les cheualiers et les hanz homes qui sinent les
tornoremens e qui lor baillent lor terres et lor gēz
hiritages en gage e a gage mort qui point ne sa
quite. Li autre pechent a acheter les choses o
ble ou vin ou autre chose mems la moitie kele
ne uaut por les deniers quil paient auant et
puis les reuendent. ij. tans ou. iij. plus chier. Li
autres achatent les choses quant eles sont plus
uilles a grant marthe. en aoust le ble. en uen
denges le vin. ou autres marthandises por re
uendre ou tans queles sont plus chieres. et te
sierrent le chier tans por plus chierement uen
dre. Li autre achatent le ble en lerbe. les uig
nes en flos quant eles sont de bele moustre
par tel couenant que il aient quelq cas quil
auegne lor chatel sauf. La vij. maniere est
en ceus qui baillent lor deniers as marthant.

par si quil soient compaignon au gaing: e nō
mie a la perte. ou qui baillent lor bestes a moi
teerie par si queles soient te fer: cest a dire seles
moerent li moitoiers mettra autre en son lu
aui si uaillant. **L**a .viij. maniere est en ceus q
mettent lor pōures uoissins en lor besoignes. et
por ce quil lor ont preste. i. poi d'argent ou de
ble ou fait aucune cortoisie. e quant il les uoi
ent pōures e souffraitous: adonc font il a eus
marchie de faire lor besoignes. e por les temers
quil baillent auant au pōure home. ou li pster
.i. poi de ble: il ont .iiij. darrees de œure por .i. den.

La secontre branche **L**a .ij. maniere d'auarice
d'auarice est l'arrecin. ce est prendre ou rete
nir autrui chose a tort: e sanz seue. e sanz uolen
te du seignoz. e ce puet on faire en .iiij. maneres
selon maneres de larrons. Car il sont .i. lar
ron apert. e .i. larron couert. i. larron priue. i.
larron compaignon. **L**i larron omni e apert
sont cil qui de tel mestier uiuent dont on fait
iustice quant on les tient. de tieus .i. a mout
de maneres en terre e en mer. **L**i larron co
uert sont cil qui emblent en repostailles e co
uertement grantz choses ou petites par lor